



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Notæ In Notas Willelmi Wendrockii Ad Ludovici Montaltii
Litteras, Et In Disquisitiones Pauli Irenæi Inustæ**

Fabri, Honoré

Coloniæ, 1659

Nota I.

urn:nbn:de:hbz:466:1-39536

Notæ præambulæ in sequen- tes Epistolas.

N O T A I.

IN his notis præambulis, generales quasdam Jesuitarum querimonias breviter proponis, atque refellis. * Cum enim inquis, quædam loca falsi arguant, quædam defendant; operæ pretium erit, depulsis eorum cavillationibus, obtritisque defensionibus, fidem & doctrinam auctoris, scilicet Montaltii, sanctam in omnibus integramque præstare.

Quod ad fidem attinet & crimen falsi, ad Annatum te remitto; qui fidelem tibi tuisque operam navavit, obtinuitque, ut vestra fides omnibus patret; cavillationes etiam vestras mirabiliter detexit, atque detexit. Expecto, ut hujus fidei sanctitatem novis miraculis apud Regioportum editis confirmes. Doctrinæ integritas, scilicet damnata, unam duntaxat approbationem postulat, ab inserto Alexandri VII. decreto petitam. Sed vide, ne tuus Montaltius dubiæ fidei homo habeatur, Galli vocant *Foy double*. Tu sanctam laudas: Annatus malam esse demonstrat. Annato auctori accuratissimo detrectare fidem non possum: tibi etiam amico & familiari meo fidem habere debeo. Vtrique aliquid dandum. inter vtrumque dubius hæreo; vestram fidem illam dubiam interim habiturus.

* Pag. 50.

N O T A